



Allassio, 14. IX. 10.

Illustre Domino,

Excusa me que usque ad nunc me non responde ad Vestro tanto grato epistula nam me es absente. Me mitte ad vos post quedam die articulo ad "Discussiones" que me spera que Vos non judica nimis longo.

Me es felice si Vos mitte ad me quinque (non plure) exemplare de "Discussiones" de Augusto cum meo articulo.

Me puta que statuto debe es maxime meditato nam de charactero dato ad initio depende sorte de Academia et importantia que illo debe habe in futuro. Me opina nostri Academia multo utile nam es solo societate que occupa se de questione

de interlingua in modo impariale et scientifico ut societate physico, linguistico etc Statuto debe es facto secundo exemplo de illo societate scientifico que es simile uno ad alio. Societate habe 1) socio praesentato ab duo socio ^{et electo} post votatione, re que in praxi es puro formalitate, sed pote es utile, 2) Directione electo per tres anno, forsan cum reelectione partiale in omni anno. Activitate de societate consiste praecipue in editione de periodico in que participa solo socio. Decisione supremo super articulo pertine ad directione aut ad comitatu speciale de redactione. - De me, me vol labora ^{ut me pote} ad quaere novo socio et scribe articulo diverso. An meo amico Colas jam fac se socio?

Accipe, Domino, expressione de meo salutatione maxime respectuoso et

De meo gratia anticipato.

G. Kolowrat

Alasio (prov. Genova),
ferma in posta.

R. 18.